

ABSTRAK.

Kertas projek ini bertajuk " Remaja masa kini : Masalah Dan Penyelesaiannya Dari Perspektif Islam. Tinjauan Khusus Di- Wilayah Persekutuan Kuala Lumpur ". Kajian ini dilakukan sebagai satu latihan ilmiah bagi memenuhi sebahagian daripada keperluan untuk mendapatkan Ijazah Sarjana Muda Dalam Syariah bagi sesi 1989 / 1990.

Untuk memudahkan perbincangan di dalam kajian ilmiah ini, penulis telah membahagikan kajian ini kepada empat bahagian utama. Tiap-tiap bahagian diolah dengan gaya bahasa yang tersendiri dan menepatkan isi kandungan yang berlainan, hasil daripada penyelidikan yang telah dijalankan.

Bab satu memaparkan tentang pengenalan tajuk kajian ini secara umum. Penulis menerangkan tentang matlamat kajian ini dilakukan serta serba sedikit masalah yang timbul ketika kajian ini dilakukan. Selain dari itu bab satu juga mengandungi metod yang digunakan di dalam usaha untuk mengumpulkan bahan-bahan kajian.

Di dalam bab kedua pula penulis telah membincangkan tentang landasan teori yang mengandungi huraian tentang remaja

secara agak detail. Perbincangan ini merangkumi definisi remaja, peringkat-peringkat perkembangan remaja, krisis identiti yang sering melanda dan bagaimana cara yang sebenarnya mereka membentuk identiti diri. Segalanya dijelaskan dengan bahasa yang mudah dan ringkas agar tidak menimbulkan sebarang kekeliruan.

Laporan penyelidikan yang telah penulis lakukan telah dimuatkan di dalam bab ketiga. Pada awal bab penulis telah membahaskan tentang penduduk Kuala Lumpur mengikut etnik, cara hidup mereka, dengan mengambil kira perkembangan Kuala Lumpur sebagai fokus kajian. Dengan mengemukakan beberapa statistik penulis membuat anggaran tentang jumlah remaja di Kuala Lumpur. Perbincangan seterusnya meliputi masalah-masalah yang melanda golongan remaja seperti berpeleseran, jenayah yang dilakukan, menagih dadah dan lari atau hilang dari rumah. Di samping itu penulis juga menggariskan tentang punca-punca utama yang menyebabkan timbulnya masalah tersebut. Di akhir bab ini penulis memberikan beberapa alternatif penyelesaian bagi mengatasi masalah tersebut, menurut pandangan Islam.

Selepas keseluruhan isi diperbincangkan, penulis menggunakan bab keempat untuk mengulas tentang tajuk tersebut, membuat beberapa saranan yang dirasakan perlu dan akhirnya menyimpulkan keseluruhan isi kajian yang telah dijelaskan.